



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma Bvllarii Earvmve Svmmorvm Pontificvm  
Constitvtionvm Qvae Ad Commvnem Ecclesiae Vsvm post  
volumina Iuris Canonici, vsq[ue] ad Sanctissimum D. N.  
D. Pavlvn Papam V. emanarunt**

**Quaranta, Stefano**

**Venetiis, 1619**

Missa.

**urn:nbn:de:hbz:466:1-10793**

mus, ne posthac Iudæos, vel alios infideles ad ipsorum Christianorum ægrotantium, & infirmorum curam vocent, seu admittant, aut vocari, admittive faciant concedant, vel permittant. Mandantes propterea omnibus, & singulis Venerabilibus nostris Patriarchis, Primatibus, Archiepiscopis, & Episcopis, nec non dilectis filiis aliis locorum Ordinariis, & quibusvis Parochis, aliisque animarum curam habentibus, & exercentibus, sub indignationis nostræ, ac alius arbitrio nostro infligendis pœnis, ut presentes nostras literas in suis Ecclesiis, quæ in illis Ciuitatibus, vel diocœsibus constitutæ sunt, in quibus Hebræi, vel alii infideles moram trahunt, quam primum ad eos perlatæ fuerint, & deinde singulis annis initio quadragesimalis ieiunii publicent, aut publicari faciant, & quod si quis post earum publicationem etiam quomodolibet exemptus, ac cuiuscunque status, gradus, ordinis, conditionis, & præminentiæ existens aduersus illas facere ausus fuerit, sacramenta ei Ecclesiastica nullatenus ministrentur, nec etiam a regularibus exemptis, & sic decedens Ecclesiastica careat sepultura, quæ quidem omnia parochi ægrotantibus significare apto tempore non omittant, præsertim cum Iudæi, vel infidelem Medicum ab eis admissum esse cognouerint, & alias ipsi locorum Ordinarii contra huius mandati transgressors debita animaduersione procedant: Iudæosque ipsos nihilominus iuxta Pauli, & Pii. Pontificum prædictorum literas contra illos editas pro earum transgressione puniant. Non obstantibus &c.

## M I S S A.

**P**RÆTER Summissas sciendum est, quod ultra decretum Concil. Trid. sess. 22. de obseruandis, & euitandis in celebratione Missæ, ibi (debitis horis celebrent) extat Pii V. Reuocatio licentiarum, ac facultatū celebrandi Missas vesperino tempore, publicata Romæ die 29. Martii 1566. fol. 924. in Bullar. tenoris sequentis.

Sanctissimus in Christo Pater, & Dominus noster Pius diuina providentiâ Papa Quintus ad cuius notitiam peruenit, quod nulli Cathedralium, etiam forsitan Metropolitanorum, collegiarum, & aliarum ecclesiarum, nec non Monasteriorum, conuentuum, domorum, & aliarum Piorum locorum secularium, & diuersorum ordinum, ac Militarium regulariū, Prælati, Capitula, clerici, fratres alique superiores, & personæ antiquum Sanctæ Romanæ Ecclesiæ ritum in statutis, Missarum celebrandarum temporibus peruertere satagentes, diuersas licentias, & facultates Missas, quæ media nocte, seu in aurora Natiuitatis, ac de mane Resurrectionis Domini Nostri Iesu Christi, & forsitan aliarum festiuitatum iuxta prædictum Ritum celebrari consueuerat, de sero etiam forsitan circa solis occasum vigiliæ festiuitatum earundem in suis ecclesiis, & cappellis celebrandi, seu celebrari faciendi ab Apostolica Sede, vel eius legatis, ac etiam maiori Penitentiario pro tempore existente variis prætextibus impetrauerunt, illisque iam pridem vtuntur, hoc ab antiquo catholice ecclesiæ instituto, sanctorumque Patrum decretis deuiare considerans, ac propterea hunc abusum ab ecclesia Dei submouere volens omnes, ac singulas licentias, & facultates huiusmodi hæctenus etiam Motu proprio, vel quorumuis, etiam Imperatorum, Regum, & aliorum Principum contemplatione, & ex quibusvis causis, quomodolibet concessas, ac Apostolicas, & alias literas desuper confectas, illarum omnium tenores pro sufficienter expressis habens, Apostolica auctoritate, ex certa scientia reuoca-

Congr.  
ti. de ce  
leb. mis  
sa.

Cc  
uit,

nit, ac omnino cassauit, & annullauit hac praesenti perpetuo ualitura constitutio-  
ne, quibusuis Praelatis, capitulis, clericis, fratribus, aliisque superioribus, & perso-  
nis earundem ecclesiarum, monasteriorum, conuentuum, domorum, & aliorum  
locorum in uirtute sanctae obedientiae, & sub indignationis suae, ac perpetuae su-  
spensionis a diuinis poena districtius inhibens, ne deinceps missas uespertino tem-  
pore huiusmodi licentiarum, & facultatum huiusmodi, aut alio quouis praetextu  
celebrare, vel celebrari facere praesumant, ac mandans locorum ordinariis, ut eam-  
dem praesentem constitutionem sub praedictis, & aliis sibi beneuolis poenis per  
quoscumque Praelatos, capitula, clericos, fratres, superiores, & personas huiusmo-  
di inuolabiliter obseruari faciant, contradictores quoslibet auctoritate Aposto-  
lica compescendo. Non obstantibus, &c.

Bullam Pii V. reuocationis licentiarum Graecis Latino more, & Latinis Graeco  
ritu Missas, ac alia diuina officia celebrandi haecenus concessarum uide supra  
in uerbo Graecorum ritus fol. 68.

*Vid Na  
uar. in  
ma. c. 25  
nu. 82.*

Quanta circumspectione uti debeant Episcopi in concedendis licentiis, ut sacro  
sanctum Missae sacrificium in priuatis alicuius domus Oratoriis celebretur, atten-  
dendum est tum ex Concilio Trid. sess. 22. in decreto de obseru. & euit. in celebra-  
tione Missae, ibi, Neue patiantur priuatis in domibus &c. & Illustrissimi Cardina-  
les declarauerunt id non debere permitti, nisi propter necessitatem, & tunc fieri  
debet Oratorio, aut altari ad diuinum cultum tantum dedicato, ut refert Io. Gu-  
tierrez lib. 1. canon. quaest. c. 30. nu. 28. tum quia quando Summus Pontifex hanc  
licentiam per Breuia Apostolica indulget, solet in illis apponere sequentia mode-  
ramina, seu clausulas, uidelicet, Ut Oratorium ad hoc deceter constructum, & or-  
natum existat, ac ab omnibus domesticis actibus liberum, ab Ordinario loci etiam  
uisitandum, & approbandum. Item ut Missa celebrari possit per quemcumque  
Sacerdotem saecularem, seu de Superiorum suorum licentia regularem. Item ut di-  
cta concessio intelligatur, sine tamen iurium parochialium prauidicio, ac excep-  
tis diebus Paschatis Resurrectionis, Pentecostes, & Natiuitatis Domini nostri  
Iesu Christi. Item adici solet, ut alii, praeter familias illius personae, cuius contem-  
platione dicta licentia impartitur seruitio necessarios, ibidem Missae intereuntes  
diebus festis de praepo ab obligatione audiendi Missam in Ecclesia minime li-  
beri censeantur.

Posse Episcopum in Synodo refrenare, seu reducere numerum Missarum, a  
Fidelibus relictarum ubi tenues sunt eleemosynae, & Missae non dicuntur, deduci-  
tur ex Concilio Trid. sess. 25. de reform. cap. 4. Quae de re cum Capitulo Cathedra-  
lis Neap. pro tenui eleemosyna incumberet onus celebrationis tot anniuersario-  
rum, ut ad salutare remedium praefati Concilii sibi recurrendum foter, haeritaba-  
tur tamen, eo quod in d. c. 4. de Missis tantum mentio fiebat, & non de anniuersa-  
rijs, & consulti Illustrissimi Cardinales, eis super hoc ipsius Capituli nomine sup-  
plicatione portecta, rescripserunt, ut sequitur.

Perillustris, ac Reuerendissimo Domino uti fratri, D. Archiepiscopo  
Neapolitano.

Perillustris, ac Reuerendiss. Domine, Cum ex libello hoc Capituli istius Ca-  
thedralis nomine oblato cognitum esset Illustrissimis Cardinalibus, qui sacra  
Trid. Concilii decreta interpretantur, dubitari abste, An eiusdem Concilii de-  
cretum sess. 25. c. 4. intelligatur etiam de anniuersarijs, ij Amplitudini tuae signi-  
ficandum censuerunt, decretum praedictum in sacrorum etiam Anniuersariorum  
reductione locum habere, ut in margine ipsius libelli adscriptum est. Quamo-  
brem

brem Amplitudo tua præfati canonis facultate in casu proposito vti non dubitabit, & Bene in Domino valebit. Romæ die 26. Nouembris 1583.

*Amplitudinis tuæ vti frater Philip. Boncomp Card. S. Sixti.*

Item, vt refert Gonzalez in præcit. commen. glo. 5. nu. 29. declarauit eadem Sacra Concilij Congregatio, vt sequitur. Fuit etiam dubitatum, quid iuris de illis, qui nullum certum habeat beneficium, sed solum iure legati relictum fuit a quibusdam, vt certæ in hebdomada Missæ celebrentur, & eorum hæredes faciant electionem Sacerdotum, qui huiusmodi legato satisfaciant? Responsum fuit a Congregatione, satis esse, si prædicti hæredes eligerent Sacerdotem aliquem ex approbatis ab Ordinario.

In Ecclesijs Parochialibus, & quæ sub Magistrorum laicorum gubernio, & directione esse solent, ex stauritis nuncupatis, sacerdotalia munera, ac presbyterales functiones, quæ populi, & animarum curam quaquomodo concernere videntur, quales sunt.

Candelarum, Cinerum, Palmarum, Fontis Baptismalis benedictiones, Sanctissimi Sacramenti delationes, & celebrationes Missarum feriæ v. in Cœna Domini, & Sabbati Sancti asperiones domorum, & quæ in Dominicis diebus in Ecclesia fiunt, quæque circa cultum Sanctissimi Sacramenti Corporis Christi in 40. horarum oratione, & similes non ad Cappellanos, seu Sacristam Ecclesiarum huiusmodi ab eisdem laicis deputatos, sed ad Parochum, seu Rectorem animarum curam habentem in Ecclesijs huiusmodi institutum præcedente examine, & alijs requisitis ab Ordinario loci prouisum spectare debere censuit Sacrorum Rituum Congregatio, die 18. Maij 1921.

*Decretū sac. Congr. Congr. tit. de celebr. Miss.*

Ptolomeus Cardinalis.

Alex. Gratianus pro Secretario.

MONASTERIA ET CONVENTVS REGVLARIUM VIRORVM.

PRÆTER Summistas, quantum ad clausuram attinet, sciendum est Pium V. per eius constitutionem reuocasse omnes licentias ingrediendi monasteria, & domos Cartusien. & aliorum quoruncunq; Regularium ordinum, etiam Mendicantium, quibusuis mulieribus concessas sub die 14. Octobris, & publicatâ Romæ die 28. eiusdem mensis 1566. fol. 95. in Bullar. tenoris sequen.

*Pij V.*

Regularium personarum, quæ relicto sæculo Dei se obsequio dedicarunt pro commisso nobis officio, quieti consulere cupientes, ad ea remouenda, quæ religioforum earum propositum impedire possunt, curam nostram libenter intendimus, vt nulla re, quæ eas a diuino cultu auocet, præpeditæ, secundum ordinum suorum regularia instituta, & decretum Sacri Trid. Concilij tranquillis mentibus gratiam altissimo impendere possint famularum. Quia igitur, & Cartusienis ordinis, & aliorum Regularium vitam professorum quies non parum solet, sicut accepimus, perturbari, propterea quod mulieres modestiæ matronalis oblitæ, domos, ac monasteria eorum, contra ipsorum instituta prætextu confessionalium, aut aliarum literarum Apostolicarum ingredi audeant.

*Congr. tit. de regula seu de statu regul.*

Cc 2 ipfis